

Na osnovu Čl.26 stav 2 tačka d Zakona o zaštiti i postupanju sa djecom i maloljetnicima u krivičnom postupku („Sl.novine FBiH“, broj 7/14), Čl.32 Uredbe o primjeni odgojnih preporuka prema maloljetnicima („Sl.novine FBiH“ broj 10/15) kao i Pravilnika o utvrđivanju općih kriterija za izbor odgovarajućih poduzeća, ustanova ili organizacija u javnom i društvenom sektoru u kojima će se provoditi odgojna preporuka izrečena maloljetniku („Sl.Novine FBiH“ broj 17/18) JU Centar za socijalni rad Cazin raspisuje:

JAVNI POZIV

Za izbor odgovarajućih preduzeća, ustanova ili organizacija u javnom i društvenom sektoru u kojima će se provoditi Odgojna preporuka „Uključivanje u rad, bez naknade, u korist humanitarne organizacije ili poslove socijalnog, lokalnog ili ekološkog sadržaja“ izrečena maloljetniku

Pravo prijave na Javni poziv imaju preduzeća, ustanove, organizacije, udruženja koja zadovoljavaju sljedeće uvjete:

1. Da su kod nadležnog organa registrovani za vršenje poslova socijalnog, humanitarnog, lokalnog ili ekološkog sadržaja;
2. Da ima Plan i program rada s maloljetnicima kojima je izrečena odgojna preporuka;
3. Da vrsta poslova koje će maloljetnik obavljati za vrijeme trajanja odgojne preporuke ne smiju škoditi njegovom zdravlju, moralu i ugledu;
4. Da imaju ispravan alat i ostala sredstva za rad čijom upotrebom se ne narušava zdravlje i sigurnost maloljetnika;
5. Da personalnim i radnim integritetom predstavlja zdravu i podsticajnu sredinu za razvoj maloljetnika;
6. Da su zaposlenici pravnog lica spremni da prihvate maloljetnika na provođenje odgojne preporuke bez stigantizacije i omalovažavanja;
7. Da pravno lice ima osobu za rad s maloljetnikom koja po svojim osobnim i stručnim svojstvima može vršiti pozitivan utjecaj na odgoj i razvoj maloljetnika i neposredno surađivati sa JU Centrom za socijalni rad Cazin.

Pored gore navedenih uvjeta pravno lice prilikom provođenja odgojne preporuke izrečene maloljetniku, dužno je poštivati sve međunarodne konvencije i standarde koje je ratifikovala BiH kao i domaće standarde kojima se uređuje zaštita djece na radu, bezbjednost djece na radu i zaštita prava djece.

Javni poziv ostaje otvoren sedam dana od dana objavljivanja na službenom portalu (www.csrcazin.com) nakon čega će JU Centar za socijalni rad izvršiti izbor pravnih lica koja ispunjavaju navedene uvjete.

Svoje prijave možete slati putem elektronske pošte na ju_csr_cazin@hotmail.com ili na adresu:

JU CENTAR ZA SOCIJALNI RAD CAZIN

Ul.505.viteške 38/a, 77220 Cazin

